




ՍՈՒՐԲ ՎԱՐԴԱՆԱՆՑ ՈՒ ՂԵՎՈՆԴՅԱՆՑ ՏՈՆԸ ԵՎ ՎԵՀԱՓԱՌ ՀԱՅՐԱՊԵՏԻ ԱՆՎԱՆԱԿՈՉՈՒԹՅԱՆ ՏԱՐԵԴԱՐՁԸ

Փետրվարի 13-ին, հինգշաբթի, Մայր տաճարում հանդիսավորությամբ նշվեց «Սրբոց Վարդանանց զօրավարացն մերոց հազար երեսուն և վեց վկայիցն» ազգային-եկեղեցական ամենամկրակաւ տոնը և Վեհափառ Հայրապետի անվանակոչության տարեդարձը:

Հակառակ նրան, որ փչում է ձյունախառն քամի, օրը սովորականից տոնական է:

Ժամը 11-ին լսվում է Մայր տաճարի զանգերի ուրախ ու խորհրդավոր դողանքը: Հավատացյալների հոծ քաղմությունը դիմում է եկեղեցի:

Օրվա ժամերգությունը և ս. պատարագի երգեցողությունը կատարում են հոգևոր ճեմարանի ուսանողները:

Սկսվում է ս. պատարագը: Օրվա պատարագիչն է հոգ. տ. Նարեկ վրդ. Ծաքարյանը:

Ժամը 12-ին թափորով Մայր տաճար է առաջնորդվում Վեհափառ Հայրապետը:

Պատարագիչ հայր սուրբը քարոզում է «Գերադասեցինք մահն աստվածապաշտությանը, քան կյանքն ուրացությանը» (Եղիշե) բնաբանով: Հայր սուրբն իր քարոզում դրվատում է Վարդանանց ու Ղևոնդյանց սուրբ նահատակությունը Ավարայրի ճակատամարտում, որը դարձրեց շարունակ ոգևորել է գայիք սերունդին՝ կյանքի հետագա չարիքները հեշտությամբ տանելու, ազգրն ու եկեղեցին անվտանգ պահելու համար:

Քարոզի վերջում Նարեկ վարդապետը շնորհավորում է Վեհափառ Հայրապետի անվանակոչության տոնը, ցանկանում ներքան քաջատոգչություն, արևշատություն՝ ի փառս Մայր Աթոռի պայծառության:

Մայր տաճարի Ավագ բեմի առաջ հանդիսավորությամբ կատարվում է հոգեհանգիստ՝ «Վասն համօրէն ննջեցելոց»:

Սրբոց Վարդանանց օրը տոնն է նաև Վեհափառ Հայրապետի անվանակոչության: Այդ քարեքաստիկ առիթով սուրբ սեղանի առաջ կատարվում է Հայրապետական մատթանք: Հավատացյալ ժողովուրդը ջերմեռանդությամբ համերդրում է Հայրապետի աջը և քարեմաղթում Նրան երկար ու երջանիկ օրեր:

Նույն օրը, ժամը 11-ին, հոգևոր ճեմարանի դահլիճում կազմակերպվում է գրական-գեղարվեստական ցերեկույթ՝ նվիրված Վարդանանց սուրբ հիշատակին:

Հանդեսը նախագահում է Վեհափառ Հայրապետը: Դահլիճը հոտնկալաւ ունկրնդրում է Հայկական ՍՍՀ պետական հիմնը, որով սկսվում է հանդիսությունը: Հոգևոր ճեմարանի տեսուչ հոգեշնորհ տ. Ներսես Ծ. վրդ. Պողասպալյանը հուզիչ և սրտատույներածականով քաջում է հանդեսը:

Ճեմարանի երգեցիկ խումբը հաջողությամբ կատարում է «Նորահրաշ պսակաւոր», «Արիացեալք» շարականները, «Թե հայրենյաց պսակադիր», «Իմ հայրենյաց հոգի Վարդան», «Ով դու քարեկամ» երգերը:

Հանդիսատեսի վրա խոր տպավորություն է թողնում Վ. Թեքելյանի «Խորհուրդ Վարդանանց» բանաստեղծության խմբովին արտասանությունը՝ Գեորգիանի բարձր դասարանների սաների կատարմամբ:

Եղիշեի «Տիկնայք փափկատու» Հայոց աշխարհի» հատվածը արտասանում է Գ. լսարանի ուսանող Հովհ. արկ. Գրվորյանը, Ա. լսարանի ուսանող Խ. Խաչատրյանը՝ ապրումով կատարում է Ռ. Պատկանյանի «Հիմի էլ լոենք» բանաստեղծությունը, Ն. Զարյանի «Զայն հայրենական» պոեմից մի հատված արտասանում է Աբրահամ արկ. Մարգարյանը:

Օրվա հանդեսի գլխավոր բանախոսն է հոգևոր ճեմարանի գրաքարի դասախոս Ս. Անթույանը: Հարգելի բանախոսը նշում է, որ ամեն մի ժողովուրդ իր գոյության ընթացքում ունենում է հիշատակության արժանի, արագորժված պահեր, որոնց պարտական է իր կյանքով: Հայ ժողովրդի համար այդպիսին է 5-րդ դարը, որը նշանակալից է ոչ միայն մշակույթի նվաճումներով, այլև՝ Վարդանանց հերոսամարտով: Բանախոսը վերլուծում է 5-րդ դարի հայպարսկական հարաբերությունները, ցույց տալիս նրանց միջև առաջացած այն վիճակը, որն սկսվել էր խորանալ տակավին 226 թվականից, երբ Պարսկաստանում իշխանության գլուխ էին անցել Սասանյանները: Հարգելի դասախոսը բացահայտում է ժամանակի տնտեսական, քաղաքական կնճռոտ հարցերը և ցույց տալիս այն դրդապատճառները, որոնց հետևանքով բռնկվեց Ավարայրի ճակատամարտը, որտեղ հայ ժողովուրդը իր հավատքի ուժով և լույսով, հայրենասիրական խորրդ գիտությամբ պարտության մատնեց բռնակալական ուժի քաղաքականությունը, կարողացավ փշրել իր ստեղծագործ մտքի ու հոգու վրա ծանրացող լուծը:

Հանդիսության վերջում փակման խոսք է ասում Վեհափառ Հայրապետը և մատնանշում, որ Վարդանանց պատերազմը հայ ժողովրդի համար որոշ իմաստով դեռ չի վերջացել, այն շարունակվել է դարեր շա-

րունակ ու կշարունակվի դեռ այնքան ժամանակ, քանի գոյություն կունենա հայ ազգը և հայրենիքը:

Այսօր, — ասում է Վեհափառ Հայրապետը, — տնտեսության, գիտության և մշակույթի բոլոր բնագավառներում Մայր հողի վրա ապրող հայ ժողովուրդը պայքարում է իր նոր կյանքի առաջընթացի և է՛լ ավելի պայծառ ապագայի համար: Սփյուռքում ևս, — ասում է Վեհափառ, — մեր ժողովրդի գավակները Ղևոնդյանց և Վարդանանց ուխտապահ վճռականությամբ շարունակում են Ավարայրի ճակատամարտը. եկեղեցիների, դպրոցների, մշակութային սրահների շքեղությամբ, հայ գրի ու գրականության զարգացումովն ու պահպանումով, մեր եկեղեցու և ազգի սուրբ նահատակների հիշատակին ու ավանդին հավատարիմ մնալու անխախտ հույսով: Վերջացնելով իր խոսքը, Վեհափառ Հայրապետը «Պահպանիչ» է ասում. դահլիճը հոտնկալս երգում է «Տերունական աղոթքը»:

Նույն օրը, երեկոյան, Մայր տաճարում հանդիսավորությամբ կատարվում է «Տեառնդառաջ»-ի նախատոնակը: Այդ առթիվ ճեմարանի սաները ավանդական խարույկի համար պատրաստություն են տեսնում: Ներկա է լինում ողջ միաբանությունը, ճեմարանի սաներն ու դասախոսական կազմը: Խարույկը վառում է Վեհափառ Հայրապետը: Նա երկար ձողի հրավառ ծայրը մոտեցնում է հրակալուն դեզին, որը մի ալեքթաթթում բռնկվում է և հաճելի լույսով լուսավորում շրջապատը: Սկսվում է գեղեցիկ ու զվարճալի պահը, ուսանողները՝ բերկրանքով լցված, թոչկոտում են կրակի շուրջը:

Ժամը 8-ին, Վեհափառ Հայրապետի անվանակոչության տոնի առթիվ, Մայր Աթոռի միաբանությունն ու հոգևոր ճեմարանի դասախոսական կազմը սեղանակից են լինում Ն. Ս. Օծության՝ Վեհարանի սեղանատանը: Ներկաներից շատերը սրտագին՝ ելույթներով շնորհավորում են Հայոց Հայրապետի անվանակոչության տոնը, որն անցնում է ջերմ մթնոլորտում:

